



Headlines

- उप-राज्यपाल मनोज सिन्हा होंरें प्रदेश आसेया आयोजित राश्ट्रीय स्तह दे पैहले खेड्ड सम्मेलन दा जम्मू च उदघाटन कीता।
- केन्द्रीय मंत्री डाक्टर जितेन्द्र सिंह होंरें आखेया ऐ जे प्रधानमंत्री नरेन्द्र मोदी हुंदी अगुआई आली केन्द्र सरकार- पिच्छड़े दे ते दूर-दरेडे इलाकें दे विकास गी पैहली तरजीह दिंदी ऐ।
- शिक्षा मंत्री स्कीना इत् होंरें जम्मू च आयोजित राश्ट्री तकनीकी सम्मेलन गी सम्बोधित कीता ते जम्मू-कश्मीर दे आर्थिक विकास च सैमीकंडक्टर तकनीकें दे महत्व पर जोर पाया।
- मुख सचिव होंरें DPC पोर्टल दा जायजा लैता ते आखेया जे DPC प्रक्रिया जल्द गै डिजिटल होग।
- ते जम्मू-कश्मीर सरकार नै चौथे तवी पुल गी स्थाई तौरा पर परतियै तयार करने आस्तै तकरीबन इक जहार 975 लक्ख रुपें दी मंजूरी देई दिती ऐ।



LG -Sports Conference (Byte)

उपराज्यपाल मनोज सिन्हा होंरें जम्मू-कश्मीर आसेया आयोजित पैहले राश्ट्री स्तह दे खेड्ड सम्मेलन “सृजन” दा उदघाटन अज्ज जम्मू दे कन्वेंशन सेंटर च कीता। इस दंऊ रोजा कार्यक्रम दा आयोजन युवा सेवाएं ते खेड्डें सरबंधी निदेशालय आसेया कीता गेदा ऐ- जेहदा मकसद खेड्डें दे बुनियादी ढांचे गी मजबूत करना- नौजवानें दी शमूलियत बधाना ते “खेलेगा भारत- खिलेगा भारत” ज्नेही राश्ट्र पैहलकदमी गी समर्थन देना ऐ। इस सम्मेलन च खेड्ड प्रशासन- खेड्ड

नीतियां बनाने आले कोच ते खडारी बी हिस्सा लै करदे न- जेहड़े हुनर विकास- भलेया हेठली स्तह पर खेड्ड सुविधाएं दे बाददे विस्तार ते खेड्डें सरबंधी टिकाऊ मंचें जनेह विशे पर बचार सांझे करगंन। अपने सम्बोधन दौरान बोलदे होई उपराज्यपाल मनोज सिन्हा होरें गलाया

<><><><><><>

Jatinder PMGSY Roads

केन्द्री मंत्री डाक्टर जितेन्द्र सिंह होरें आखेया ऐ जे उधमपुर जिले गी लगातार 5 बरे थमां प्रधानमंत्री ग्राम सिडक योजना तैहत सब्भनें शा मते फंड हासल होआ रदे न। कठुआ-उधमपुर ते डोडा संसदीय हल्के च तकरीबन डेढ़ सौ सिडक परियोजनाएं ते पुलें दा वर्चुअल तरीके कन्नै लोकार्पण करदे होई मंत्री होरें पत्रकारें कन्नै गल्लबात दौरान आखेया जे PMGSY दे तैहत सब्भनें शा मता फंड हासल करने च उधमपुर पूरे मुखे च त्रीयें नम्बरें पर ऐ। उनें आखेया जे एह प्रधानमंत्री नरेन्द्र मोदी हुंदा देशे दे पिच्छड़े ते दूर-दरेडे इलाके च कमियें गी दूर करने ते फर्को-फर्की गी खत्म करने दी वचनबद्धता दा गें नतीजा ऐ-जिसी पैहली सरकारें नजरअंदाज कीता ऐ।

<><><><><><>

Itoo- Semiconductor

शिक्षा मंत्री स्कीना इतू होरें आखेया जे शिक्षा इक नेहा ताकतवर ज़रिया ऐ- जेहड़ा दुनिया दी दिशा बदली सकदा ऐ। उनें आखेया जे मौजूदा समें च सैमीकंडक्टर सरबंधी तकनीकां भविक्ख दी नुमायंदगी करारदियां न। मंत्री होरें जम्मू-कश्मीर दे आर्थिक विकास- तकनीके दे क्षेत्र च आत्मनिर्भरता ते भविक्ख लेई कार्यबल तयार करने च सैमीकंडक्टर प्रोद्योगिकियें दे महत्व पर जोर पाया। मंत्री होरें एह गल्ल Govt. कालेज ऑफ इंजीनियरिंग एंड टैक्नालोजी च आयोजित

भारत सैमीकंडक्टर मिशन बारे राश्ट्री तकनीकी सम्मेलन गी सम्बोधित करदे होई आक्खी। इस सम्मेलन दा आयोजन GCET कालेज जम्मू आसेया IIT Kharagpur दे तकनीकी सहयोग कन्नै ते केन्द्री Electronics ते सूचना प्रोद्योगिकी मंत्रालय सनै- जम्मू-कश्मीर सरकार दे उद्योग ते बंज बपार मैहकमे दे नेइमें सैहयोग कन्नै कीता जा रदा ऐ।



Bhaderwah Winter Carnival

डोडा जिले दे भद्रवाह च दंऊ रोजा मेगा विंटर कार्निवल-2026 अज्ज बड़ी धूमधाम कन्नै शुरु होआ- अज्ज पैहले ध्याड़े समारोह दी शुरुआत गुलडंडा थमां होई- जित्थे भद्रवाह थमां विधायक दलीप सिंह परिहार होरें एदा उदघाटन कीता। कल ए समारोह नमें बस अइडे पर आयोजित कीता जाग- जेदे च लोकें दा मनोरंजन करने आस्तै मशहूर पंजाबी गायक जी. खान सनै चिराग कोतवाल- दीपक कुमार ते होरनै मुकामी ते लोक कलाकार बी उत्थे आवा करदे न। दौंऊ दिनें दे इस उत्सव दा मकसद स्यालू सैलसफा गी बढ़ावा देना- इस इलाके दी सगगोसार सांस्कृति-विरसे गी उजागर करना ते मुकामी अर्थबवस्था गी बढ़ावा देना ऐ।



ARTO- Ramban (Byte)

जन सुरक्षा च बाददा करने ते नशे सरबंधी गतिविधियें गी रोकने लेई इक महत्वपूर्ण गें पुटटदे होई रामबन दे ARTO होरें नशाखोरी ते नशीले पदार्थ यानि NDPS कन्नू तैहत दर्ज मामलें दे सरबंधे च त्रंऊ लोकें दे ड्राइविंग लाइसेंस गी त्रंऊ महीने आस्तै फौरन रद्द करने दा हुकम दिता ऐ। एह कारवाई पुलस दे IG होरें क्राईम ब्रांच थमां हासल रिपोर्टें दे आधार पर कीती- जेहदे च NDPS सरबंधी गतिविधियें च सरबंधत लोकें दी शमूलियत दा उल्लेख शामिल ऐ।



CS -DPC

मुख्य सचिव अटल डुल्लु हों प्रशासनिक सुधार ते निरीक्षण यानि (ARI) ते सिखलाई मैहकमे आसेया त्यार कीते जा रदे ऑनलाईन मैहकमा प्रचार समीति यानि (DPC) पोर्टल दा मुआयना कीता तां जे सरकारी कर्मचारियें लेई DPC दा समें पर संचालन यकीनी बनाया जाई सकै। समीक्षा बैठक दौरान मुख्य सचिव हों अजें तोड़ी कीते गेदी तरक्की दा जायजा लैता ते मैहकमें दे जतनें दी सराहना कीती। उनें इस गल्लै पर जोर भरेया ऐ जे इस पूरी प्रक्रिया गी सख्ती कन्नै समें-सीमा च रेहियै बनाया जाना चाहिदा- जेहदे नै हर इक चरण तय कीते गेदे समें-सीमा दे अंदर पूरा कीता जा। मुख्य सचिव हों सरकारी कर्मचारियें लेई ऑनलाईन पोर्टल (DPC) दे महत्व उप्पर जोर भरेया ते आखेया जे इस पैहलकदमी कन्नै DPS दा समें- सिर संचालन यकीनी बनाना जाग।



4th Tawi Bridge

पिच्छले बरे अगस्त महीने च आए दे हाड़ें कारण प्रभावित होए दे भगवती नगर आले चौथे तवी पुल दे स्थाई तौरा पर निर्माण आस्तै जम्मू-कश्मीर सरकार नै प्रशासनिक मंजूरी देई दिती ऐ। इस पुल गी परतियै स्थाई तौरा पर बहाल करने आस्तै तकरीबन-तकरीबन 1 जहार 9 सौ 75 लकख 16 जहार रुपें दी अंदाजन लागत औग। लोक निर्माण सिडकें ते ईमारतें दे निर्माण सरबंधी मैहकमे दे आयुक्त आसेया जारी इक हुकमै मूजब खडेरी गेदी कमेटी चौथे तवी पुल गी परतियै बहाल करने लेई निर्माण कम्में दी पूरी चाल्ली दिक्ख-रिक्ख करोग।



JKBOSE Website

जम्मू-कश्मीर शिक्षा बोर्ड नै तकनीकी तौरा पर बेहतर बनाने आस्तै अपनी आधिकारिक वेबसाईट गी अस्थाई तौरा पर बंद करने दी घोषणा कीती ऐ- जिसदे मताबक सब्भनें ऑनलाईन सेवाएं गी किश दिनें लेई बंद करी दिता गया ऐ। अधिकारियें मुजब JKBOSE दी वेबसाईट 19 जनवरी थमां शुरु होए दे अगले चंऊ-पंजे दिनें तगर उपलब्ध नैई रौहग। बंद रौहने आहली अवधि दौरान सब्भे ऑनलाईन सेवा निलंबित रौहगंन। बोर्ड नै आखेया ऐ जे वेबसाईट दी कार्य समर्थ गी बधाने लेई अस्थाई तौरा पर इसी बंद करना जरूरी ऐ।



BBBP Reasi (Bytes)

“बेटी बचाओ- बेटी पढ़ाओ” यानि (BBBP) पैहलकदमी दे तैहत ग्रामीम महिलायें आस्तै समर्थ निर्माण सरबंधी सिखलाई कार्यक्रम रियासी जिले दे कोटली गांस च शुरु होआ। इस कार्यक्रम च 25 महिलायें गी दस्तकारी उत्पादन सरबंधी सिखलाई दिती जाहग। इस कार्यक्रम दा आयोजन ग्रामीण आजीविका मिशन आस्सेया समाज कल्याण मैहकमें दे सैहयोग कन्ने रलिये कीता जा रदा ऐ। जिला समाज कल्याण अधिकारी सचिन शर्मा होरे औपचारिक तौरा पर इस सिखलाई कार्यक्रम दा उदघाटन कीता ते हिस्सा लेने आहले कन्ने गल्लबात करदे होई उनेंगी आमदनी बधाने आस्तै इस मंच दा उपयोग करने लेई बढ़ावा दिता।



Weather (Byte)

मौसम विभाग नै जम्मू-कश्मीर च कल्लै धोड़ी अद्दे-दुब्बे तौरा पर बद्दल छाए दे रौहने दी पेशगोई कीती ऐ ते बक्ख-बक्ख इलाके च हौली बर्फबारी होने दी बी मेद दस्सी ऐ। इस दौरान

जम्मू खिते दे मैदानी इलाकें च दर्मयाने शा घनी धुंध पेदी रौहने दे बी असार न। तौंआई 23 ते 24 जनवरी गी चिनाब घाटी- उधमपुर- रियासी ते दक्खनी कश्मीर दे किश हिस्सें च मध्यम शा भारी बरखा होने दे असार दस्से गेदे न। मौसम विभाग दे निदेशक मुख्तार अहमद होंरें जानकारी दिंदे होई दस्सेया

<><><><><><>